

إحنا نهواك      من عالم الذر  
وللقيامة      نهتف يحيذر

\* \* \* \* \*

ها لبيعه في الأصلاب      لجلك يداحي الباب  
معجونه طينتنا بولاكم يحامي الجار

أنت الضوا للعين      واحنا ابهواك اسنين  
لا مانوالي غيرك ولا احد نختار

خل تسمع العذال      لا منصب ولا مال  
بس حب علي حيدر ينجينا حر النار

أي والله واليناه      وما نخشى جور اعداه  
نمشي اعلى منهاجه أو لا نرهب الأخطار

علي حبك      يسري مع الروح  
علي حبك      بلسم للجروح

\* \* \* \* \*

يلجاحد افضاله      هاك اسمع اقواله  
بنهج البلاغه اللي يضوي إبا و عرفان

وروح انشد القرآن      واتأمل التبيان  
تلقى ابصحيقتنا هوى حيدر العنوان

وعاين بحر حلمه      وافكاره وعلمه  
سلطان وما مثله صبح بالزمن سلطان

لا لا تجادلني      يلجاحد اسمعني  
هذا قسيم الجنة - أي والله - والنيران

من يواليه      بالجنه ينعم  
واليعاديه      يهوي بجهنم

لجنة التأليف  
موكب عزاء المعامير

إحنا نهواه  
وما نوالي  
من عالم الذر  
إلا حيدر

\* \* \* \* \*

تاج العلم تاجه  
ابنص الولايه التاج ورب العلى اختاره  
حيدر علي اسراجه

من جوهر الحكمة  
من علمه المكنون ومن غامض اسراره  
معدن علي ودمه

في محكم الآيات  
عن حيدر الكرار ومرويه اخباره  
مذكور وبالتوراة

وهذي سنن داوود  
وتخبر الدنيا عن افعاله وآثاره  
تذكر حليف الجود

علي ذكره  
وهذا سره  
بتوراة وإنجيل  
جيل بعد جيل

\* \* \* \* \*

نور القلم واللوح  
تعبّر بحر لحي ولا تخشى طوفانه  
باسمه سفينة نوح

وبخاتم اسليمان  
اسم الوصي سره أومنه ارتفع شأنه  
أمر الانس والجان

ويونس لگی بحوته  
يرعاه وصار الوالي غوثه وسلوانه  
بس حيدر وصورته

وبحيدر الكرار  
برد وسلام وصارت الجنه نيرانه  
شاف الخليل النار

علي نوره  
ومنهو مثله  
بعرش الجلاله  
بفضله وكماله

موكب عزاء المعامير  
لجنة التأليف